

Edizione diplomatica


	<p>px/public/P%20%282%29_3.png&itok=880fd7HV</p> <p>Bernard</p> <p>COnort era sai eu be Qe ges de mi no pensaz Puos salutz ni amistatz Ni messages no men ue Trop cuit qei faz lon aten Et er ben senblant oimai Qu chace zho qaltrui pren Pois no men ue auentura</p>
	<p>Bel conort can mi soue Com gen fui p(er) uos honratz Et qan eram oblidatz P(er) un pauc no muor de se Qu eisme uau enqiren Qim met de foldat en plai Quant eu mi don sobre pren De la mia forfaitura</p>
	<p>Per ma colpa mesdeue Et ia no(n) sia celatz Car uas lei no(n) soi tornatz</p>

Image not found

https://letteraturaeuropea.let.uniroma1.it/?q=sites/default/files/styles/330_px/public/P%20%283%29_1.png&itok=BVFRQTLd

Per foldat qui men rete
Tant nai estat longamen
Que de uergoigna queu nai
Non aus auer lardimen
Qei an anz no ma segura

Il men colpet de tal re
Don mi degra uenir graz
Fe queu dei aluergnaz
Tot o fi per bona fe
Et seu en amar mespren
Tort a qi colpa men fai
Que qe en amor quer sen
Cel non a sen ni mesura

Tant er gen seruiz p(er) me
Sos cors fels durs e iratz
Tro del tot seradolchatz
Ab bels ditz e ab merce
Queu ai ben trobat legen
Que gota daiga qan chai
Fer en un luoc tan souen
Tro caua la pera dura

Qi ben remire ni ue
Oillz e gole front e fatz
Aissi son finas beltaz
Que mais ni meins noi conue
Cors loncs dreich e conuenen
Gent afliubar coint e gai
Hom nol pot lauzar tan gen
Cum lo saop formar natura

Chansoneta or ten uai
Ues mon frances lauinen
Cui prez enanz e meillora

E digazli que ben uai
Que de mon conort aten
Enqera bonauentura

- letto 406 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2243>